

嘉靖欽州志



欽州志卷之五

學校

知州

林希元輯

欽州

儒學舊在城南門外

今山川壇其故址

宋治平元年移

建城東門外崇寧三年建三舍以其狹隘徙於

州南淳熙四年知州安陽岳霖拓而重建宋儒

張南軒先生記

安陽岳侯霖為欽州之明年政通人和乃經理其州之學悉其

故之卑陋廟廡整齊次第一新特來謁記久之未暇也又明年其學之教授周去非秩滿道桂

復以侯意來請且曰欽之爲邦僻在海隅地近夷而俗尚利縫掖之士蓋鮮有焉惟侯不敢以其陋而加忽也故新其學以勸之且求一言以示後庶幾或有興起也栻於是而嘆曰夫所爲建學者欲其士之衆多也今夫通都太邑操觚習辭發策決科肩摩袂屬必於是而後謂之多士乎哉殆未然也夫寡國鮮士亦何足病十室之邑必有忠信之質焉其成就與否則係乎學與不學而已學者所以成材而善俗也今欽州雖僻其士雖鮮然其間亦豈無忠信之質乎無以揭之曷其昭之無以道之曷其通之爲之嚴學宮於此詳其訓迪以明夫人倫之教聖賢之言行薰濡之漸由耳目以入其心志其質之美者能不有以感發乎有以感發則將去利就義以求夫爲學之功而又以訓其子弟率其朋友則多士之方豈不庶幾矣乎異時人材成苑風俗淳美其必由今日之舉有以紹熙五年知州發之請刻記於學以垂于後來

黃旦改建於州署之東南即今學地許國公府

教授顏棫記

欽江清源黃侯報政之明年諭棫曰州學舊建於南門之外或以其

地爲山水之窮弗樂也則徙于郡之東城外逾二十年而堂廡卑陋氣象荒穢距州治及學官廨遠凡守貳朔望謁莫士之朝夕趨于學咸解焉一日郡博士陳君案率諸生來言相郡之南有戎官舊廨在旁可闢地數畝盍撤新之庶幾學之密邇于郡而士子肄業之便也余聞而趨之蓋欣然改作也惟郡窘於財懼不足以集事得乎轉運方公崧卿爲助鹽值九萬緡餘撙節歲入以足其費乃以紹熙四年五月始即工十一月立大成殿雲章閣五年正月奉安先聖先師于新殿二月上丁暨郡僚佐釋菜以告厥成堂殿中峙門闕外闢闌以峻堞翼以脩廡演迤靚深規模宏壯師徒觀者起敬學之前環水以象泮宮而常日敷教將與學徒周旋乎其間

亟觀于學而不敢懈焉齋有四而以文行忠信
名之射有圃糧有廩書有庫齋堂庖厨罔不備
具而郡博士居其左南望大海以長城爲護北
負州治得山川之勝欽之士悅焉余不敢以遠
且陋鄙夷是邦懼久遂湮願求文以志歲月且
俾繼守是邦者有考焉棫爲欽江去王畿萬里
地接交趾占者聲教所不暨之地及今建學造
士不減中州是侯所以布德宣意培植士類顧
不爲不用其極矣雖然學非若有司此可以具
文也明人倫申孝弟講習乎聖賢正心誠意之
旨歸以馴至乎位天地育萬物之極致此學之
大原也南軒張公昔嘗記斯學矣今其說可復
也人有良心觸之斯動地遠民淳固易以訓由
是侯之建學以惠多士而復古聖賢所以訓學
者以淑多士舍是而汲汲焉竊科第以謀利祿
則有幸於侯之所以望此邦者矣侯本以右序
諸生繇第進士守三州皆以最聞而所至首崇
學校以厲風俗不以事夥財置廢亦必有見於

此矣異時欽江之士漸漬興起而孝弟陸淵有學必當有如是之可書者夫教道不明吏之過也吏勤于教而士不勉焉以應士之咎也欽之士其勉之哉械不敏以是爲吏是邦者勸而亦以勸居是邦元至正中燬于寇之多士云

大明洪武七年重建宣德三年守備都指揮程瑒重

建翰林院編脩彭琉記

皇帝詞大歷服之四年秋當開科取士東廣

藩臬大臣遺幣聘琉典文衡時欽州儒學正鄉友陳莊亦與事貢院既撤棘首語予曰莊自宣

德丁未冬至欽即見于先聖先師廟觀其棟宇皆朽壤弗支俯仰歎息心甚歎焉退而以與訓

導呂璿以事告于郡守張公信郡倅廖公瑛且曰今禮殿傾頽若是予等欲撤而新之未能願

相與持疏詣鎮禦欽州廣東都帥程公求爲之倡可乎二公曰然遂以事白帥帥慨然曰孔子

萬世帝王師凡有血氣者莫不宗之雖其靈在天安可無廟貌以居其神乎於是傾囊賜金無絲髮恡惜之態及州大夫之正佐部屬之官僚亦罔不隨捐已貲購材命匠而鼎建茲事至於小大之費供槁之資莊則率師生輩悉罄俸廩以贍不給興工之日匠氏雲屯斧斤雷動經始於戊申十月朔啓成於己酉二月望經營謀度咸合規矩隘者廓之卑者崇之像設有嚴毋曠有耀門廓殿庶煥然一新較於昔則倍加焉茲旣完美久矣第無鉅筆爲之記乞先生一言以彰厥美於無窮予辭弗置竊惟堯舜古聖人也孔子亦聖人也堯舜之治被於天下故惟天子得以享之孔子之教垂於萬世而郡邑得以備之其祭用王者事巍然南嚮以門入爲配自天子而次皆北面跪祭如親弟子者所謂生民以來未有盛於孔子其賢於堯舜遠矣此其驗歟矧今聖朝碩文崇道屢勅天下有司凡遇學校損壞卽爲脩葺毋致廢弛恩至渥也柰

欽邑僻在遐荒古號天涯生民寡鮮習俗未甚
丕變匪都帥以累世勲舊之臣練達老成之才
來鎮茲土人孰能以作興學校爲念其難矣乎
自時厥後欽之士子尤當講學以明體明體以
適用俾他日彬彬輩出掇科膺貢以躋膺仕者
咸知有所自矣吁苟有都帥之好施而無州大
夫之用心賢師範之興念又何由克底于成哉
是可歌也詩曰維茲廟學都帥所作卑下以崇
隘陋以廓巋然南嚮有師之尊群賢配享大法
是存備哉範模克盡終始琢辭貞石永贊斯美

正統七年彭琉提督廣東學校復脩天順中復

燬于寇成化五年僉事林錦讓分司爲明倫堂

堂之左貨民居爲文廟郡人嘉興同知楊冠造

銅祭器三百九十事以供祭祀巡按廣東御史

姚綬記

三代設學所以崇重仁義維繫人心也詩書禮樂之習都鄙鄉黨在在有焉不

間於遐邇不妨於兵農故民皆知尊君親上隆師取友藹然截然其俗可封自是而後其於學也近者設而且詳遠者遺而或畧兵弗知不教之戒農弗知髦士之蒸人心泮渙仁義浸微我朝法三代以設學得人為盛雖廣東欽州頻海而遠比年草寇竊掠民無完居連江林公彥章由廉州守膺薦超拜廣東按察司僉事奉 聖書保障是方公至築營堡以備禦通商旅以貿易訓兵勸農食足信乎稔惡受戢無辜蒙釋民居以安逋逝乃復治不逾年境內翕集成化已丑公慨欽州儒學荒圯乃購民餘地遷孔子廟于左又讓海北道作明倫堂于右門廡齊次庖福庫舍煥乎整飭公既廟謁遂升其堂佩矜之士于于而來濟濟有容橫經而講莫非仁義環泮池而觀聽者皆知君所當尊親所當敬隆師而不知所向取友而不知所輔由是而感發鹵莽之氣

消沮肅雍之風聿興吁設學果不維繫人心哉
公於是方閱兵之間首先於學豈無所謂人知
仁義則樂於效死也得人如公可多見乎吾郡
貳守楊君尚文欽州人也古循吏風由欽學
掇科樂公之與其學以俸羨餘作俎豆噐物凡
三百九十有奇獻于廟以相助公之成爲俾
予記昔文翁興學西蜀信史不磨彼文翁作守
地非瀕海又無兵戎之寄其事易爲今公職在
庶訪瀕海要衝寇掠甫定即舉及此用其財而
民不費役其力而民不勞若公可謂於所難而
易爲者矣欽廉之俗亦將見其可封矣時御史
大夫姑蘇韓公以節鉞鎮兩廣明於知人公爲
其所知必有以振起之也他日翔翔霄漢爲我
明天子復三代之治也必矣姑請勒石以記

弘治八年知州袁苜復遷東門外故址正德五

年知州徐珪脩十四年知州李純改建明倫堂

于文廟後增建名宦鄉賢二祠于戟門左右歲
久廢圯殆盡嘉靖十五年知州林希元相地弗

稱改建於城中故址文廟五間東西兩廡各七

間戟門櫺星門各三間明倫堂東西齋各三間

堂之左爲啓聖公祠右建師居二所戟門之左

爲名宦祠右爲鄉賢祠鄉賢之右爲宰牲所櫺

星之左爲儒學門東齋之南爲儀門郡守惠安

張岳記

嘉靖乙未次崖先生林侯以大理寺丞
言事謫守欽州其明年七月抵任侯之

被命遠謫也朝諸老以侯素重望欲優以遠
地稍清曠者侯不可請一州自効乃予欽欽嶺

南齊州民俗媮窳士習亦安於一切卑近閱數十年無能明禮義道術以振起之者至於釋奠之宮棲士之宇亦且墮壞荒落不足以應令式侯至亟圖所以興廢振帶作人善俗者顧州之財力詘則先其尤甚者曰莫甚廟學按舊學在州治南數十步弘治乙卯病於堪輿之說移置東廓外既遷人文愈以弗競則又病之候爲僉諏考卜卒無以易夫故址者乃與判官朱浙學正鄧璿暨諸縉紳學子輩議還其舊而會材料傭工之費當爲金三百二十兩以狀白諸司皆報可詎日令工則莫不執藝以應者其秋九月日告遷于先師越明年六月日則所謂釋奠之宮棲士之宇門廡庭除齋舍庖福與夫群祀之麗于學者罔弗嚴備乃帥僚吏師生用幣以落之退爲陳說聖賢學問工夫指示切要又習之於春秋饋饗朝夕升降揖遜之容使其漸摩矯揉變化故習而不能自己此侯之教也始侯以嶺南學憲召入丞大理不五六年復出爲

是州異時典法風聲具存未見教之之難也至其以蕞爾偏州當事力殫屈之際晨夜孜孜開誠以先物約身以裕用卒能使學成而教益行以酬夫請州之初志此豈可不謂之難也哉今爾欽士得爾侯以爲師帥既先自盡其難者如射於瞿相之團旣抗侯揚觶正鵠以示之矣如是而不能彎弓殺審發而注中焉責將誰委也古之人自鄉人塗人而至爲舜爲禹楚產之豪傑遂能與北方學者爭先此無他尊師篤信不怠其所趨而已夫以造化付畀之身庠序衣冠之懿終無以自別於鄉人與塗人古之君子不敢以自恕也况夫以荒陋自誇安居廩食誣謾恣睢其流靡之極將必有鄉人塗人所不屑者嗚呼爾諸士其可不惕然深思求自振拔以無負爾侯之教也哉侯名希元字茂貞次崖其號與予同正德丁丑進士其爲此州細大畢舉皆可以爲後法余特志其大嘉靖十八年知州林且急者以風多士云耳

希元復於學東城隍廟故址建號舍二十間捐俸金一十兩以助公費

社學

舊在東門外面街背江成化四年僉事林錦建後廢嘉靖四年知州藍渠鬻其地於許氏以廢崇寧寺爲之有列肆十七給學以供教讀束脩紙筆之費歲久而圯知州杜傑鬻其肆脩城社學遂廢嘉靖十七年知州林希元卽故址重建扁曰中和社學以欽俗雜夷思變其俗又於諸

鄉都各建社學共十八所俱有名扁每學給田二十畝又贖回鬻肆及於舊學基建市肆以贍學

中和社學

在東門外崇寧寺故址

城南社學

在南屯村戰船廠之右

發蒙社學

在蒙村中和坊俱

茶山社學

在茶山洪屋村 水東社

學

在欽江東岸水東村

騰龍社學

在古城騰龍村

雷峯社學

在白皮烏

雷之北俱 城東廂

亨雷社學

在那雷村

蘆山社學

在蘆荻村 平江

社學

在蚊子村 如洪社學

在如洪江之左

留峯社學

在板

留造材社學

在那造村

凌霄社學

在板霄村

思淳社學

在思

蘆村白峯社學在管界巡司白雲峯下俱永樂鄉同文社學在時羅都

防城地接安南故名思文社學在貼浪都思牙村地口州接交趾萬寧州故名

林希元記昔先王治天下爲之農桑衣食以養其民又設庠序學校以教之蓋飽食

煖衣逸居無教則近於禽獸若臣父子夫婦長幼朋友之倫乃中國之所以異於夷狄人類之

所以異於禽獸者也故先王之治既富而教於人倫尤所先焉觀舜使契爲司徒以敷五教三

代之學皆以明倫可見矣夷考其時上自國都下至閭巷莫不有學無不教之地人生八歲入

小學十五入大學無不教之時故民之由於學校者莫不感發順習而趨於王道其秀而穎出

者又遞升于王以分布有位任庶政先王建學立教其意如此此所以治隆於上俗美於下而

致雍熙泰和之盛也三代遠王道衰後世建學立教其名雖同於古人其實相去遠矣我朝

酌古爲治自府州縣以至坊隅里巷莫不有學
在府州縣曰儒學在坊隅里巷曰社學社學之
教主於明倫敬身儒學之教主於明經脩行以
其責付之郡縣又命憲臣董正之三年大比
則選其賢者能者以賓于王其意與古先聖
王蓋未始有異也歷時既久漸失其真學於社
學者取足於記姓名知文墨上焉者爲生徒以
資進取明倫敬身之意失矣學於儒學者彙括
經言議擬題意以迎合主司掇科第明經脩行
之意失矣鄉無善俗世乏良材識此之故又何
惟乎治不古若哉予自知學卽悟其非故往者
督學東廣沿鄉建社學作規條選明師俾司教
訓以興民於孝弟頒學政經說于諸生黜浮華
崇本實以進士於道德蓋將協贊我聖天子
雍熙泰和之治以復古昔先王之盛也教未及
成而遷官去有遺恨焉邇者至欽適當與甄舉
廢之際於社學未暇之及旣而訪其民風土俗
類多同於蠻夷乃列當禁者十數事請于當路

榜刻宣示而嚴爲之禁顧習俗已成鞭朴徒煩
而禁弗可止始悟曰古之化民善俗者皆爲之
於其初則性習未成而轉移也易今欲化民其
必於社學乎乃以往日之提學者施之欽訪坊
鄉當建社學者十八所以告當路咸報可謂州
城首善之地特先焉顧舊時社學已廢爲荒土
其贍學市祖又爲前官所鬻乃即其地重建社
學諸鄉亦以時並建在城曰中和其他各有名
扁立條教作訓言選擇明師召子弟七八歲已
上者使教之子弟聞令咸製衣屨入學恐後弗
辦弗敢入予嘆曰吾嚴條約以冠屨責其民莫
予應今設學弗責而自急今而後知聖王建學
立教之意其深矣乎乃益加勉學舍未就暫假
民居諸教讀咸體予意以予規條朝夕教子弟
以洒掃應對進退之節讀書對偶字俶之文以
予訓言朝夕教子弟以愛親敬兄忠君弟長之
說其民耳目所未見問莫不欣鼓舞而樂於
教子三月而後教讀各以弟子見其父兄不遠

三四百里襁負其子而至州其衣裳步履楚如也其進退周旋升降揖遜肅如也其諷誦對偶書傲朗如也予嘆曰人心有天可以理動誠然乎哉或曰三年而後欽其為中州乎已乃訪其民多有願學而力不足以供師膳者予曰禮義興於富足民窮而驅之學非政也乃庶民之墾田未稅者輸之學各二十畝社學十八所共田三百六十畝贖回前官所鬻市肆一十七與新建市肆一十五庸供各學之費諸生李昭中和教讀也請曰社學之設公之政莫先焉合記之使後之作者誦公言勿替公功予曰功予何有勿替我志也乃記

靈山縣

儒學舊在石六場東南去縣治二里宋治平二年遷縣治之東寶祐四年攝尹趙崇商復遷石

六場故址長沙省元丁應圭記

靈山有學以來遷徙凡兩始自

邑治石六場之東南遷于邑東今復遷東南乃攝尹趙君採輿議而還舊址也昔治平紀元之次年邑治與學並建人文勃興士由科甲奮者踵接以瀕海遐邑有官至朝秩者科第固不足論亦可見化民成俗之驗學更而東寢不齒舊歲月茂所登載陋孰甚焉長民者間欲扶植之卒莫可措其力議者卒咎遷徙地之攸致也吁地靈人傑世固有此語矣然古之所貴乎學校者土地所生風氣所宜縱有偏處將籍是以轉移會謂學校之興廢反視地之輕重邪不于其地于其人可也趙君以安遠報政來攝邑事撫摩彫敝首務斯文不費于官不役于民悉捐已俸爲之粟以石計者百餘金以繕計者千餘由是立夫子之宮墻十哲之繪像六先生之列祠第千員之齋舍祭器有庫習射有園浴沂有亭泮水有池扁其橋曰化龍不日而竣事則爲之

職員爲之課試教養有法余乃聞其風而壯之
 邑士以其本末來謁記趙君莫得而過余莫得
 而辭則復之曰予欲紀其因革之實而已耶此
 非建學者之本意也抑將求諸學之所以爲學
 耶則南軒嘗記欽學其拳拳於忠信所以成就
 者備矣靈山欽之支邑也學豈有異道余豈有
 異言哉抑十室之邑必有忠信此其質也先生
 之所謂成就則又在乎人耳建此學者上之人
 也不負此學者下之人也六經言學自堯典稽
 古始而欽明一語綱領挈焉我朝諸儒演而伸
 之主一之義愈明循是而進忠信在我矣郡以
 欽名諸君反而思之有餘師趙君名崇商宇天
 民天潢派也始至佐郡幙建議創庫收息以惠
 計備士及垂滿又捧紳檄團結諸縣山水屯巖
 皆有可
 書者

元末燬于兵火

大明洪武四年重建三十四年知縣李善初復遷于

縣治東故址西安梁潛記

靈山小邦也其俗視他邑尤陋延平李善

初爲宰始至而病之思革其俗曰朝鮮極東夷也箕子居之而民化焉今有先王遺化柳州南蠻也子厚教之其子弟皆知爲文詞靈山豈獨匪人遂注心焉時舊學宮頽圯殿宇惟絢菲黝聖漫漶隘而惡且西向非尊素王制改建之適 朝廷方用兵自江北五大藩學校爲之一空凡百力役供給南方困焉善初不敢以是重困其民乃徃謀之於邑文學材君君力贊之謀之諸父老樂而助之貲則又進諸生勉之諸生咸躍然喜於是梁柱之材出自生徒僦工之費則捐已俸視民有餘力者役之民咸忘其勞遂卜地于縣之東南經始於辛巳之閏三月八日而廟成自殿而門皆煥然悉遵今制視他邑無以加之殿之東爲堂堂之東西相向爲兩齋簠簋壘爵鍾鼓之屬庖廡之所無不具焉旣而文學來朝于京誦其事屬予記之以劄于石且曰

昔之宰靈山者往往徠視其民民亦以徠自負
李君獨加惠焉民知自愛嗟夫習俗之不美豈
獨靈山然也化而道之者恒激其外以移其內
民且狼顧鼠拱之不暇又烏知所以爲堯舜禹
湯文武周公仲尼之教耶且夫平時通郡大邑
略不聞絃誦聲過宮牆門闕曾不一下車趨者
而靈山叢爾僻小而於南北倥惚不暇給之際
乃能委曲盡心以教化爲事得非知爲治之先
務者乎是可記之以爲幸陋邦者勸且以見聖
人之欲居九夷果可行也董其役則邦人某某
於法宜牽

連得書 正統五年靈山築城景泰元年知縣
羅瑄改還城中千戶所之東歲久而圯成化六

年僉事林錦脩詹事府少詹事蒲田柯潛記靈

縣脩廟學成教諭周君弘以書來言曰縣故有
學廢壞於元季而重建於國朝洪武之四年歷

歲既久日就摧壓有司無有以興學爲念者其
問雖嘗稍加葺治然規制簡陋采繪弗彰不足
以稱聖天子崇道右文之心天順四年僉事
林侯時以合浦訓導用巡撫都憲崑山葉公之
薦爲靈山知縣慨然有志興學以振文風顧以
狴寇方殿未遑及也旣而寇平以懋功陞廉州
知府又進今官奉勅守廉州乃諭學官耆老
謂兵寇之餘凡百廢弛之事皆宜以次脩復而
學校爲治化之本在所當先遂選工聚材燭日
舉事廟自大成殿及兩廡儀門神厨學自明倫
堂及齋舍庖湍之所皆撤而新之宏偉壯麗實
倍於前經始於成化六年十月而以七年十二
月畢工其資費不取於民而民樂於成功咸誇
嘆以爲盛事意者執事亦樂聞之儻辱一言爲
記以導教其學者於無窮是則弘之幸也林侯
之願也予惟庶在東廣爲僻郡靈山其屬邑也
尤爲窮絕之處然自漢唐以來孟嘗李邕余靖
陶弼岳霖諸賢皆爲政於斯而陳權蘇軾二賢

亦嘗留寓其地風聲氣烈至于今猶存其邦之英又有甯悌原黃渙者皆以進士入官並著風節可以感而興焉則茲郡邑雖僻遠而其人文之著在嶺南諸郡可與之並者蓋無幾也今林侯又以學校爲治化之本而娓娓焉作興之所謂知所重矣士之游於斯者必敬必恭朝夕脩其倫理而無或違自身及家自家及國而達之天下一惟倫理之施無少涉於世俗干時取寵之事則其人文之著蓋將盛於昔時而侯作興之意庶乎其無負矣侯名錦字彥章連江人周君字景重莆田人皆予同鄉之彥故樂爲記之以風厲靈山之人且以示夫後之嗣政教於此者皆知人材又弗振或歸諸地嘉靖十四年僉事王崇從衆議復遷于故石六場啓聖名宦鄉賢三祠師居仍在故址欽州知州林希元記

靈山

儒學故在石六峯下成化中燬于寇始移建邑
城學建於兵燹之餘九百苟簡故其弊也易地
亦弗稱才沿之落師生惑謀遷于故有司例未
學莫或省也迺金華麓泉王公以廣東按察司
僉事備兵海北視學弗脩且壞作意興脩師生
喜曰幾也以告公曰俞予汝圖爰相新基允惟
舊吉謀於當路咸贊厥成卜日改遷士民胥慶
於是能者輸勞富者輸力公因而用之取材於
山取瓦於陶取灰於石佐以公帑之贏商匠度
務以嘉靖乙未八月啓手越明年六月告成事
前文廟後明倫堂兩廡兩齋門庭庫庖或以序
奠祠啓聖名宦鄉賢于故坻亦有講堂號舍師
居貌宇崇恢采章赫奕學宮之美甲於他邑爲
費以千計皆公所營度宮帑之積十得一二焉
師生大公之公懼遂泯沒請予記之予負罪南
遷風波涉歷筆硯荒久矣感公之美不容辭按
今老子釋氏之宮雄偉靡麗擬於王者其教稿
身而拙用其徒勞勞焉敝厥生以築之夫子之

宮乃吾輩所由成身而致用經世而淑民乃漫
焉莫之省或委諸風雨或委諸草莽果何謂也
麓泉斯舉豈不遠遠夫人歟公於城也甲兵旣
飭以整於學校又如此職在軍旅不廢俎豆可
以觀才矣予因是有望於諸生夫學校不脩有
司之過學業不脩誰任厥咎是故績學以明道
累行以理身經政以宜民繹教以敦俗是子諸
子之責予與當道之所望也尚其勉之毋負

嘉靖十七年僉事孫世祐市民廬建神厨一所
五間又於敬一亭屏墻外建齋堂一間號舍八
間又於東西夾道臨衢建禮門義路二牌樓祭
器久壞仍與脩治學之規制至是始備

海北書院故所無也嘉靖十五年僉事王崇遷

學於城外卽其故址建正堂五間號房門庖計八間

養正社學在海北書院之南舊在城外成化七年僉事林錦遷城內宋泰街歲久而壞僉事李瑾府同知章諍相繼重建俱廢嘉靖十七年僉事孫世祐以舊址卑濕改建今所扁曰養正正堂東西廂房各三間大門一座

有造社學在林公祠後舊在按察司後正德五年僉事李瑾建歲久而圯嘉靖十七年僉事孫

世祐以舊址卑濕改建今所偏曰有造正堂內
外廂房各三間大門一座

科貢

欽州

唐

進士

審悌原

見人物志

國朝

舉人

洪武

甲子科

梁里許見人物志

永樂

壬午科

黃儀任貴州宣慰司訓導馮廷簡任交趾主簿

乙酉科

鄧春任廣西宣化縣知縣

戊子科

吳里瑤

任交趾古社縣知縣

吳經得

任廣西富川縣

知縣張里相

任福建塩運司知事

王融

任山東賓州知

州

辛卯科

舒泰

任福建右衛經歷陞六安州同知

黃肇得

任交

趾縣丞

癸卯科

黃受

任柳州檢校

蕭通

天資穎敏詞藻英發時與丘文

莊濟名不仕卒

景泰

庚午科

楊冠

見人物志

癸酉科

梁廉

成化

甲午科

章瓊

任瓊州府文昌縣教諭陞浙江湖廣羅田縣教諭

州府通判

歲貢

洪武

黃環

任廣西桂林縣教授
諭陞韓府教授
蘇均任刑部主

事蘇甌

任直隸通黃士良
任福建南平縣

縣知陳善住
見人物志

永樂

黃送

任交趾知縣
林松任交趾唐許佑

任交趾州吏目

黃輔任交趾李進任交趾
知縣

林逾

任交趾縣丞
李珠任交趾何盈任

天訓

趾州吏目黃養任交趾黃祐任雲南

民府照磨鄧記任湖廣陳隆任雲南

柯鐸任湖廣把黃裘任貴州黎

黃中任交趾黃宗覃良黎記

景泰班振黃華黃山黃良

宣德

黃福任南寧黃福緣任直隸黃

登黃敬受陳端王冕

正統

李文

一六

一七

李文

任南京豹韜衛經歷陞廣西賀縣知縣

陳敬昨任

城縣蘇善

任浙江遂昌縣主簿

蘇卿

任河南偃計縣

知縣柯茂

任浙江金鄉衛經歷

陳有

任桂平縣丞莫

廣

冠帶黃宗

黃海

景泰

石璫

任南寧府檢校

覃寧

任思明府經歷

陳琛

何清

鄭紹祖

李旺

潘渚

符祖

冠帶劉冕

天順

馮賁 黃彪 吳齡俱冠帶 蘇鏞任泰

州吏目 方正 吳禎 吳起 章文

梁方 聶瑄

成化

謝溥任福建古田縣丞 舒讓任高安縣訓導 劉蔭

任江西信豐縣訓導 王佐任江西瑞州府照磨 王宗任果

化州吏目 蔣瑛任福建汀州府照磨 王福任思恩府照磨

顧仁任永福縣知縣

弘治

楊麟任龍南張佐裴瑀任江西

訓導吳貴 呂鑽 梁成任福建龍溪縣訓導

蘇景星任直隸無為州判官管信 章經

梁潛俱不仕章瓚任浙江仁和县縣丞莊容任清

藩府典儀楊鳳不仕許昌任延平府知事

正德

蘇懷任柳州吏目余帥周不仕顧濂任羅城縣

縣丞葉盛任福建福州府知事謝廷侃任江西九江府

訓導舒懷 魏宗禮俱不仕劉喬任廣西平

南縣知縣章鳳梧蘇華俱不黃昇任

建興化府照磨舒中蘊復任直隸通判官

楊士弘仕不

嘉靖

翁爵任江西泰和縣訓導章廷祐

任江西吉安府學訓導章獻中超貢莫濬

不仕毛純慶遠府訓導陳敬十二年貢

鄭仕傑十三年貢聞大護十五年貢梁相十六

年貢歐琳十七年貢楊鑑十八年貢

靈山縣

宋

雜科

黃叔達

以聶官至承議郎

黃漸

以戰官從議郎贈武

翼郎

黃列 明德叔達承直郎知吉州軍事

子仕至李才

以聶官出身崇觀間知化州

進士

嘉祐

鄧式

官至大理寺丞朝散官

元祐三年

鄭與權進士官至奉議郎潮州府通判

紹興

黃神郎 甯宗喬官至參軍 甯宗諤官至通直

隆興

鄧大周官至奉議郎緋魚袋

嘉定

黃仕謙潯州僉判

舉人

元符二年

黃渙

詳人物志

國朝

進士

成化

丁未

黃華

登費宏榜
未任卒

舉人

永樂

乙酉

姚真

任福建安溪縣訓導檀偉
任交趾唐安縣縣丞

辛卯

藍觀蔭

任貴州布政司理問吳鳳鳴
任交趾威縣縣

丞
勞富

景泰

庚午

勞慶

任廣西岑溪縣學訓導

丙子

鄭賢

任廣西平南縣教諭
陞柳州府學教授

歲貢

洪武

劉璿

任戶部主事

容吉

任交趾清化府推官

黃繼

宗

任山東布政司理問

永樂

龐滷

任交趾丹巴縣縣丞

周旺

任交趾廷河縣縣丞

觀通

任交趾乙縣主簿

李銷

任交趾弄石縣主簿

郭

進

任交趾龍
縣丞

姚賢

任交趾北
江府經歷
勞昌

任交趾支

封縣丞

勞養

任交趾利
仁縣丞

劉其志

任交趾同
利縣主簿

李旺

任交趾鳳
翔巡檢

宣德

李安

任河南周
府典儀

正統

鍾觀

任廣西永
福縣訓導

蘇安

任廣西西
安府經歷
陸

俊

任廣西蒼
梧縣丞

檀昭

景泰

勞端任廣西南寧府檢校勞顯任廣西西蘭州吏目鄧

昶冠帶審亨任浙江織染局大使

天順

劉清任廣西南寧府照磨譚霖任福建福寧州吏目勞

雍任廣西岑溪縣知縣

成化

梁錦任江西武寧縣主簿勞勝任江西新昌縣主簿勞

秦任江西西南安府照磨劉海任四川雅州訓導審瑄

任順天府通州吏目汪瓊任廣西柳城縣訓導王政

紀通

檀感

任廣西富川縣知縣

石秀

任廣西鬱

林州訓導

陳謨

任廣西梧州府訓導

陳昇

李旻

弘治

檀應

任廣西富川縣知縣

韋聰

任福建松溪縣主簿

鄭

宣

鄭廷獻

任直隸靖江縣縣丞

甘霖

勞

寬

勞環

任福建順昌縣主簿

汪鑑

裴坦

龔

任湖廣西歸州判官

汪銘

有功卒不仕

汪

錦

正德

張鏊任福建浦城縣丞 覃庸任廣西梧州府訓導

珠任福建連城縣主簿 汪鈺任廣西梧州府訓導 羅國

興任福建龍溪縣主簿 錢象乾任廣東茂陳名縣教諭

文輝任廣東萬州訓導 石惟賢任廣西博白縣知縣

嘉靖

陸珣 石維海 莫如勤以捕賊功授福

建平和縣知縣 王積祿 勞惟善 鄭紹

科 梁諫 甯威 鄭紹英

欽州志卷之五 終

欽州志卷之六

知州林希元輯

祠廟

欽州

文廟

啓聖公祠

俱見學校門

社稷壇在州治西北半里許洪武五年府同知郭儁建正德六年知州徐珪脩嘉靖十八年知州林希元重脩增建坊表

風雲雷雨山川壇在州治西南半里洪武五年
府同知郭儒建正德六年知州徐珪脩嘉靖十
八年知州林希元重脩增建坊表

州厲壇在州治東北半里洪武五年府同知郭
儒建正德六年知州徐珪脩嘉靖十八年知州
林希元重脩增建坊表

城隍廟在東門內街北舊在儒學東

軍鎮
舊址末樂

成化中參政賈瑜知州陳淳相繼脩葺嘉靖十
六年知州林希元毀真武祠而改遷之附洪武

五年僉事陶九疇記

城隍之立廟古皆有焉所以各府州縣設之而俾神

廟食者無他蓋欲護國以佑民也故祭法有曰

能捍大患則祀之能禦大災則祀之人民之病

則禱焉雨暘之愆期則禱焉本分之外不敢有

他祝也洪惟我朝大明麗天無幽不燭以神

武定天下以忠厚化人民摧強輔順東西南北

罔不臣服敦正風俗脩崇祀典存其正除其邪

所以禁淫祀尊城隍也乃頒制降式敷命萬

邦悉新建廟設神位於廟之中畧其塑像繪以

雲壁示神無形兆也刻日命天下咸欽遵其

新制焉而獨城隍神廟經營聖志形于天

語巋然特立禮儀制度於斯為盛城隍之神可

不以聖上之心為心而益加陰佑默相以盡

神之職哉欽州府城隍廟舊在府治之東兵燹

之餘傾圮又矣同知郭公來治是府敬謹自持

政通人和奉聖旨絕淫祀更於軍鎮舊址依

式而重建焉鳩工度材搬木運土以身先之經

之營之不日成之百廢俱興丹雘美麗廟制神位如式不敢有所損益也事辦而民不知勞民勤而官不苦擾郭公亦可謂有庶幹能奉上帝命者矣黃童白叟奔走駭汗咸稱其能吁表端影正源潔流清詎不信然至默贊元化致聖君於堯舜之上贊輔陰陽俾人民於仁壽之域家用平康百穀用成以成雍熙皞皞之化風移俗易吾豈不於爾神而有望庶無負於聖上立廟之意哉

旗纛廟在千戶所後今廢

林公祠在東門外玄妙觀後舊即城中五顯廟爲之卑狹弗稱屋老將頽嘉靖十七年知州林希元毀玄妙觀後真武祠而改遷之

名宦祠在戟門之左以祀宋推官徐的知州陶
弼陳永齡楊友紹岳霖元監郡凍阿木

國朝知州蔡惟溥李純舊有唐遵化尉李邕宋知
州余靖嘉靖十八年知州林希元以遵化縣已
并入靈山余靖未嘗知欽州議改祀李邕於靈
山改題余靖爲廣西體量安撫使而別祀之

鄉賢祠在戟門之右以祀唐諫議大夫甯悛原
國朝國子監丞梁里許知縣陳善住知府楊冠嘉
靖十五年知州林希元立二賢祠以祀寓賢唐

張說宋呂祖泰後并祀於鄉賢

土地祠在州治儀門東嘉靖十三年知州杜傑
重建西向卑窄就壞嘉靖十八年知州林希元
改南向而弘其制

關王廟在城內西岡北向洪武二年百戶楊五
建成化九年守備指揮吳忠千戶胡顥重建

天妃廟在州城外東南隅濱江東向永樂四年
指揮孫遇建天順六年指揮周旻重建歲久而
圯居民以義興建歲久不就嘉靖十七年知州

林希元始督成之

烏雷廟在白皮烏雷巖下

三皇廟故址在州城南今失其處附元馮明孫

記

太極既判人位于中朴蒙控侗捍豚燔黍汗樽杯飲穴處築居衣服羽皮啗茹毛血于斯

時也不有聖人孰開厥先庖羲氏以倉精之君首出繼天文成八象肇建君臣父子夫婦之道

以開天下之聾瞽神農赤精之君因姜命氏其紹出也制耒耜之用聚日中之市明稼穡食貨

之理以養天下之萬民黃帝黃精之君國於有熊公孫媯氏其出也垂衣裳易宮室具舟楫

造弧矢以示天下之威此伏羲所以制人法神農所以興人利軒轅所以除人害也蓋德侔天

地曰皇化合神明曰皇垂拱無爲曰皇其道大而莫載高而無窮故能理日月之運法陰陽之

治節四時之度正律曆之數別男女明上下變
 空伺而為見聞捍燔而為鼎釜汗杯而為噐具
 羽皮而為織衽毛血而為菽粟使天下之人甘
 其食美其服樂其法安其居熙熙然皞皞然百
 姓日用而不知故能成雍熙泰和之至治吁三
 皇之功蓋萬世則三皇之祀傳萬世不亦亘乎
 自夫周人以先嗇祀魯人以有濟祀唐人以壇
 上祀爾後竟廢厥典洪惟皇元以仁立國以禮
 賁治先皇追念古先聖王開天建極立法作則
 創物垂範迺播告天下立廟欽崇每歲三月三
 日九月九日恭脩祭典以傳無窮荷歟休哉甚
 盛舉也寧越邈在邊徼廟宇卑陋土階茅茨延
 祐丁巳春東魯冠公來判是邦力欲撤而新之
 於郡治之前鼎新恢拓捐官吏之祿秩助土木
 之經費鳩役於農隙市材於海麓募梓陶瓦崇
 址甃石建始於丁巳之冬訖工於戊午之春寢
 殿三門各三間兩厦前屹雉堞後聳麗譙丹雘

庭除暢達慶成之日適丁春祀薦牲齊陳篚簋
鏗鏘鍾鼓臣民雅耄權合忭蹈對越虔祝使三
光全矣暑平五穀熟民人育景星慶雲出應昌
運當今聖人垂拱無爲復見雍熙泰和抑亦皇
靈之昭著也乃爲之歌曰三皇之治安無爲三
皇之世民熙熙三皇宮殿高巍巍三皇祀典無
終期上願當今聖明主泰和常與三皇侶川流
嶽峙河海清百揆時叙桑穀生萬國梯航四海
一儀鳳來翔麒麟出乾清坤
夷日月明天子太平民太平

諫議廟在州治東二十里中和坊唐審悌原爲
諫議大夫致仕還鄉卒鄉人立廟祀之求樂十
五年叅政賈瑜重脩

北府廟在城東北三里中和坊昔李令公有功

於民鄉人立廟祀之

考李令公邊帥也志失其名

雷廟在州治南五里赤勘村永樂七年巡檢象

貴建

以上五廟俱廢

靈山縣

文廟

見學校門

啓聖公祠在海北書院之後嘉靖十五年僉事

王崇建

社稷壇在永寧坊西北舊在縣治之北其地下

濕天順七年知縣林錦遷于石六峰東嘉靖八

年僉事劉道以藁民居遷今所

風雲雷雨山川壇在州治之南舊在縣治東南
臨祭多阻水天順七年知縣林錦遷今所成化
七年始砌壇壝今壞

邑厲壇在縣治之北舊在縣治之西天順七年

知縣林錦遷今所成化八年始砌壇壝今壞

城隍廟在縣治西北洪武三年知縣夏秉恕建
成化八年僉事林錦脩正德九年知縣劉翕重
建

旗纛廟在千戶所內東偏正統六年建成化八年守備指揮周塏重建

林公生祠在縣治西北六峰門內邑人監生勞雍等議建未果弘治元年府同知杜禮始成之正堂大門各一間又於門外兩傍爲舖舍四間

歲收其稅以供祭祀府學教授葉徽記

士有既去而遺

愛存焉非大有功德於民者弗克也夫愛生於畏而根於心思見其人者念其德故召伯之去南國有蔽芾甘棠之詠羊叔子之去襄陽有現山墮淚之碑此天理民彝之自然通古今爲一息者歟聞之連江林公彥章發身賢科博學多聞考其爲人若范文正公自做秀才時已理會

天下事者故自其身教數事以至於爲令爲守
起擢憲僉尋陞憲副時至郡邑政教一新百度
脩舉其事未易悉數而其豐功偉績則以脩建
城堡保障殘民設戰守之具歸徃夷之心計安
人遠用戒不虞者爲一等事也百世之下民受
其福始而治之久而安之遠而思之以義祠之
無老稚男婦無尊卑貴賤皆仰公爲父母常歎
觀其儀刑儼若福星之照臨靈光之獨存烏能
頃刻忘迺成化十有五年公以勞瘁成疾漸倦
於勤屢上疏乞骸骨以終天年上允其請而兵
權遂釋士夫軍民聞之如喪考妣恨不能遮道
攀轅至以千里百里遠送于闕而後已迄今二
十年間仰德威而思遺澤者猶一日往歲鄉人
勞雍等群集于邑咸欲議建生祠圖其儀像以
瞻以依蓋謀而未遂者也時郡二守豐城杜公
玉節自下車初恒以立堡綏夷招復流亡補
稅畝爲事上聞而天子嘉之撫字同心功可
踵迹景仰先烈每按是邑詢故老得其巔末輒

噴噴嘆曰吾郡之有靈山界當廣西夷寇跋扈
既險且危所以調護元氣而疲瘵復春吾屬無
患林侯之功居多乃與邑之鄉耆梁本等日爲
區畫發貯私帑以成其志且以先時知縣崔公
所勸緡錢守備公所採木石命官募匠樂事
勸功來者如雲實創始於弘治之紀元九月一
日落成於弘治之五年九月一日而其董理則
典史饒景百戶喻信工不踰年而刻像亦告成
焉由是靈山之士民黃童白叟歲時伏臘稽首
百拜者動以千計不約而同杜公繼至欣然見
其峻事即召諸父老相度於祠前隙地創置店
舍四間俾商於斯土者僦屋以居徵其杏燭使
可以克常祀此可見邑人愛公之深杜侯敬公
之至乃歲次弘治之七年邑令趙君鉅常謂斯
祠念無文以記其事遂詣廡請予文以志之一
以昭林公之德澤一以表吾人之思愛予於公
爲同鄉而知公尤深何可以不文辭考之記曰
能以勞定國者則祀之能禦大災大患者則祀

之昔子胥屈原皆有功於時至今血食今觀林
公以子視民而盡保愛之責吾民以父母報林
公而極尊事之典其與子胥屈原之事其棠之
遺岷山之碑蓋異世而同揆者也故立之祠垂
之記以俟觀
風者采焉

正德七年僉事李瑾脩嘉靖十五
年僉事王崇增建儀門一座嘉靖十八年僉事

孫世祐見祠宇就敝市租亦為縣官所有乃復

脩葺復市租以供祠用附韶州府教授方玘林

公德政記夫子以政令刑罰為化民之末務而必曰道之以德齊之以禮傳循吏者

因之所列率仁厚之士凜凜德讓之君子而亦
百十年之間一見其人者有捍禦之功自安樂

之有富教之實自味嘆之可多人能哉於今見
林侯之為賢也侯未相識也嘗讀旌廉能公移

仰其名氏其後讀郡守饒君秉鑑新城之記詳
其行事又其後司訓許君文燁以父老之書請
記其德政之碑益知其詳侯名錦宇彦章閩連
江人庚午鄉試第授庶之合浦訓導正身立教
鄰庠生多從問學天順庚辰蠻寇起海濱陷郡
縣靈山當其衝尹丞先事去都憲葉公時巡撫
兩廣檄侯來署侯視南郭外民聚處數千家而
城中縣治軍營之偏窳無有隙地亟命取木於
山環民居樹柵五百餘丈為之保障歲且不登
多窘於衣食傾舍賑給無有空乏無何滿秩之
京寇毀其柵民潰入山林往往相泣也葉公具
其績于朝請授知縣奉詔從公言民聞知
相率來歸而於時寇勢熾縱橫剽掠無虛日侯
躬率民壯隨所至往禦明年壬午正月與戰於
羅禾水口敗之閱月又敗之墟黃崗嶺下五月
晦前二日大敗之新庄前後倂斬近六百寇
云攻他邑以無虞乃諭民拔木柵築土垣因
舊城闢之上具睥睨樓鏞下通重門外鑿深壕

遷縣治於中安危偕之費鉅財不告匱役煩民
不言勞笑語嘻嘻式歌且舞謂他邑災害之相
仍而我耕樵時事鷄犬相聞也侯事神育材尤
所加意大成殿南北壇傾頽久矣脩飾如新建
學後堂闢兩齋爲絃誦所戎事稍暇坐其上問
難經義講肄禮義民多從往觀久皆服習其教
婚有時喪有制燕有序孝友有節尊卑有秩鄉
魯雅俗倏爾荒服見之夫頽洞轆轤之秋貪酷
乘而措克罷軟默而苟且事急勢至策馬奔馳
而號諸人曰蠻氣甚惡也城弊莫守也民頑莫
從也過此有不愧於中邪侯賢於人遠矣而侯
之治小邑耳得郡佐之千里刁斗之息矣得藩
佐之一方衽席之安矣而詢其設施次第初不
事刑罰之嚴捐之以俸富室諭財先之以身壯
夫効力夫子語子路先之勞之之語侯之用矣
子路以政事名而其志曰千乘之國加之師旅
因之飢饉爲之三年民有勇且知方也門人尚
述之以示後世林侯之賢不有述之爲善者不

幾於怠乎故不拒父老之請次第其辭俾太常
歸刻諸石俟太史之采以續史傳之載云

少卿莆田林文林公安邊脩造記

蠻夷猾夏雖唐虞之世不

能無而於禍患之來預生賢才為攘却且因之
而立千百年之防此實天相至治之世若漢馬
文淵之平側貳而與越人申明舊制開陂障溝
洫宋余安道之平穰智高而罷淨賦奏官吏滿
去不得持南方藥物非其然耶而今得林君在
廉州安邊脩造政績於二公若一人者故因靈
山周教諭弘之請并其行事詳著之教諭余同
邑人非有私於君而為求言因廉人之志余烏
得無言乎君名錦字彥章閩適江人由景泰庚
午鄉試進士授合浦縣儒學訓導時蠻寇四出
郡邑不能為計君累陳守備方畧皆鑿鑿可行
天順紀元右僉都御史崑山葉公檄署靈山縣
事君至周視形勢於縣南立排柵五百丈多設
戰守之具寇不能為害適中貴前後往珠池採

珠勞費百萃君爲措置其事告完民不以爲
艱未幾滿秩之京民庶失怙依散入山谷葉公
具其事以聞辛巳授靈山知縣馳驛來任民
聞之來歸而是歲田荒不耕穀價騰踴斛至錢
千君發倉廩賑濟而寇勢益熾時時攻掠村堡
君乃卑騎至其巢穴諭以禍福於是近縣二十
五徃悉歸服其遠所不服躬率民兵以徃隨所
至與戰先後俘斬千餘還所擄掠子女倍之縣
中無事乃去排柵築土城徙縣治於中庶守饒
侯秉鑑爲作新城記禁淫祠脩學校試生徒勸
民力農桑務孝弟成化丙戌陞知廉州府事靈
山民求韶教授方先生此爲德政碑文立石頌
德焉庶亦經寇久民勞飢發倉廩如靈山先後
所活數萬人時寇焚劫清和鄉官軍望之不與
戰君亦有輿造焉寇見君耒稽首散去者千人
尚有恃強不降者縱兵殺之盡自後聞寇所在
卽率兵徃徃必俘馘以歸脩城浚隍周城設串樓
造戰守器械暇日召耆老問其疾苦而吹嘘摩

撫如在其身又脩治學宮教訓子弟於學南關通渠架石梁作化龍亭廣東左布政使張公廷璽為記戊子秋勅拜廣東按察司僉事撫治廉州君益相地利設團河營以禦西寇設新寨營以禦南寇設洪崖營以塞寇出沒之路於是寇來則獲期月間誅豪酋三百疇而還虜掠視靈山時加多流逋歸禾稼熟商賈四至物價省半已丑出巡欽州下車以脩浚為第一事儒學舊在城外壞且盡以海北道作明倫堂貨堂左民居作孔子廟別作海北道於城西南次治驛館舖舍整飾如新是秋至永安城隍低浚於欽州為甚亦為之脩浚高堅且深設串樓器械如庶庚寅春復至靈山念土城非久遠計燒磚鑿石命把總指揮周宣董其事未周歲而石城成周五百丈高一丈九尺覆以串樓開東西二門靈山遂為重鎮蠻寇固仰君威德不敢以來亦無能為也已然而諸役之興未嘗歛民一錢用物力皆歸其直而出於公帑之積遠外之民徒見諸役之興以成不知其所以成也又

重作靈山縣治煥然如式下至道路橋梁以石
砌者四十三於達官官軍之來守州縣者爲治
房舍器物園圃養其銳氣而於軍民利病酌其
可否可經久行者言之于朝前後十三餘疏
朝廷知君出於公正皆爲嘉納或特旨勞賜而
所言之大爲兩廣生靈之福如請立總兵府於
梧州府使嶺南萬里昔爲病苦之邦今爲富樂
之地君之功尤可尚也視馬余二公皆足以載
國史示來世而君筮仕適在蠻方能展猷爲至
於顯用不徒俾蠻夷惴惴焉不敢以動其施設
期至於久遠安然無爲於此見君爲賢才之士
天相國家之治至於萬年之久不於此而見一端
也耶余退居久於史事不復有與然因蕪人之
歆而爲記以俟采擇爲君列傳而君亦由此而
升弘功偉業將有功天下史氏自當爲
君大書特書不一而書何俟於予也哉

名宦祠在海北書院之後啓聖公祠之左舊無

嘉靖十五年僉事王崇建以祀宋知縣鄭光祖

主簿毛溫本朝典史鄧忠縣丞王勉知縣林錦

嘉靖十八年知州林希元增祀唐遵化尉

李邕

鄉賢祠在海北書院之後啓聖公祠之右舊無

嘉靖十五年僉事王崇建以祀宋朝奉大夫黃

渙嘉靖十八年知州林希元增祀唐諫議大夫

甯悌原

土地祠在縣治內隨縣建立原居右偏吏司房
之上東向歲一祭嘉靖十五年知縣趙仲衍改

縣遷於縣堂之左與縣並立嘉靖十六年知州
林希元歲增春秋二祭

兵防

兵官

海北兵備道初署雷州正德二年改署靈山初
副使僉事間用後純用僉事

管轄

府二

廉州州

州一

欽州

縣五

合浦
徐聞

靈山
遂溪

海康

衛二

廉州州

所七

欽州千戶所
靈山千戶所

永安千戶所
海康千戶所

海安千戶所
樂民千戶所
錦囊千戶所

甘澤

魏郡人副使正統
五年任築靈山城
李駿 浙江會稽縣人進
士僉事景泰五年任

毛吉

浙江餘姚縣人進士僉事天順
五年任有平賊功見廣州名宦
林錦 福建

縣人舉人副使見名宦

俞俊

直隸人進士副使
成化十六年任

翁晏

福建侯官

縣人進士成化十七年任以後俱僉事

王經

直隸長洲縣人進士弘治元年任

方

良永

福建莆田縣人進士弘治十四年任

鄧槩

江西新淦縣人進士弘治十八年任

李希顏

直隸華亭縣人進士正德元年任

李瑾

浙江處州衛人進士正德元年任

正德三年

李志剛

四川成都左護衛籍進士正德六年任擒廖公廣賊首

盧

學書

江西清江縣人進士正德十一年任

汪克章

浙江餘姚縣人進士正德十二年

年任楊崇

福建鳳寧縣人舉人嘉靖三年任

劉道

子弘江西萬安縣人進士嘉靖

八年任

陸澄

元靜浙江歸安縣人進士嘉靖九年任

鄭允璋

德夫福建閩縣

人進士嘉靖十一年任

王崇

仲德浙江永康縣人進士嘉靖十三年任

孫世祐

元吉江西豐城縣人進士嘉靖十七年任

欽州守備自宣德元年交趾黎利叛始命廣東

都指揮程瑒領軍於欽城南北立四營以守後

因之都指揮指揮間用成化六年以後皆用指

揮不復以都司領軍矣

程瑒

廣東都指揮宣德中任

王斌

廉州衛指揮宣德中任

干羽

廣東都指

揮正統十
四年任
尹通
廣東都指揮
天順八年六月
周

旻
廣東衛指揮
成化六年任
吳忠
廣海衛指揮
成化六年
李昂
廣

衛指揮成
化八年任
聶英
肇慶衛指揮
成化十八年任
湯宣
南京衛指揮
弘

治二
年任
邵昇
廣海衛指揮
弘治四年任
袁助
南京衛指揮
弘治六年任
陸

鑑
廉州衛指揮
弘治八年任
李叢
惠州衛指揮
弘治九年任
王堪
雷州衛

治十一
年任
劉斌
廉州衛指揮
弘治十三年任
白貴
廉州衛指揮
弘治十五年

任
陸淳
廉州衛指揮
弘治十六年任
范卿
廉州衛指揮
弘治十七年任
張

榮
廉州衛指揮
弘治十八年任
劉鑑
廉州衛
王剛
廉州衛

任
張靚
廉州衛指揮
正德六年任
徐淵
雷州衛指揮
正德八年任
郭棊
雷

衛指揮正德張傑雷州衛指揮正王勳廉州衛

十一年任德張傑德十三年任王勳指揮正

德十三王臣廉州衛指揮正白俊廉州衛指揮

年任王臣德十五年任白俊正德十六年

任湛狎廉州衛指揮耿富廉州衛指揮范鎧廉

衛指揮嘉許淳廉州衛指揮孫正廉州衛指

靖六年任許淳靖十四年任孫正嘉靖十

六年任許淳嘉靖十五年任范鎧州

任六年

靈山守備天順初調廣惠二衛官軍六千分班

上下防守成化十六年掣回廣州衛弘治十四

年掣回惠州衛成化以前或以都司自後只以

指揮領軍防守

歐磐廣東都司徐寧廣東都司白太廣東都司周宣惠州

衛指閻通惠州衛高惠州衛袁勲南京衛

揮已上俱孫壁廣海衛劉鑑廉州衛

成化中任陸淳廉州衛張輓廉州衛范

年任陸淳正德三年任張輓正德九年任范

凱廉州衛孫正俱廉州湛翀正德中任張

慶雷州衛許淳劉滋孫正范鎧湛翔

俱廉州衛指揮嘉靖中任

兵制
欽州千戶所轄十百戶所額設旗軍一千三百

八十二名逃亡一千七十七名實在三百五名
內除老幼軍二十三名實在精壯二

百八十
二名

民快一百八十名

沿海巡檢司弓兵二十名

長墩巡檢司弓兵二十名

管界巡檢司弓兵二十名

如昔巡檢司弓兵二十名

靈山千戶所轄十百戶所額設旗軍一千一百

二十名故絕旗軍六百八名逃亡旗軍二百
四十七名實在旗軍二百六十五名

民快四百五十名

西鄉巡檢司弓兵二十五名

林墟巡檢司弓兵二十名

兵器

欽州千戶所

國初頒

銅將軍鏡一箇 銅飛鎗二把 銅碗口鏡

四箇 銅神炮五箇 銅手鏡六把 銅長

頸破落戶二箇 缸神炮三箇 缸碗口十

一把 鈺扣馬丹九箇 鈺飛鎗十一把

火器五十四件 鐵骨朶三十二把 衮刀八把

正德九年七月 欽降減半式樣

六瓣明盔五頂 襯盔五頂 齊腰甲五副

黑漆絲紫角弓十五張 正副白絲弓絃三

十條 破甲鐵箭八百八十二枝 明油真

皮撒袋十副 黑漆靶鞞腰刀十把 黑漆

鞘斬馬刀五把 勒甲脂皮帶五條 彩畫

虎頭長挨牌十面

凡九百八十二件約用料銀三十八兩一錢
一分五釐七毫七絲三忽一微五纖

清軍御史楊紹芳議奏添造

佛郎機銃管十把每把連提銃子一箇 神
機螺螄箭各一百枝 鈎刀五張 眉刀十
張 短鎗二十根 弩二十把

前件軍器量造十分之二

已上軍器銀四十一兩五錢三分五釐六毫
七絲二忽三微六纖軍三民七出辦欽州千

戶所該銀一十二兩四錢六分七毫一忽一微九纖撥正軍二名出辦免其差操欽州該銀二十九兩七分四釐九毫七絲一忽一微七纖照秋糧民米出辦

靈山千戶所

國初欽降軍器無

正統五年始自廣海衛調守靈山故軍器無降

正德九年七月 欽降減半式樣御史楊紹芳

奏添造軍器出辦銀兩並如州

城池

州城舊在靈山縣思林都今舊州墟其故址也

地卑氣鬱人多死于瘴厲宋天聖元年推官徐

的始建議遷近海白沙之東即今治所學正萬

人俊記

舊郡水土不利朝野具聞稼穡歲望而不登嵐靄晝昏而罔霽結成瘵疾流害

寢深其有隸官而來戎師北至據鞍纒解坐席未溫即憂懼之莫遑漸淪胥之相繼昨本路轉

運使司封員外郎鄭天益提轄之暇經度海隅之地抗疏封章上聞宸聰朝廷念茲遠俗申明

勸農使度支員外郎許式副使成正忠國子傅士江澤從而審察咸曰便宜於是經之營之果

兆元亨之吉遠者近者咸爲墾闢之勞屏強徒如葦蒲救生民於塗炭陰陽之利既博封守之

固水寧而復命有聞允詔斯下桂林監護上閣未侃漕輸鄭天益暨郡守符侍禁朱正用佐慕

徐的共宣厥謀併集其事內是命茲執度鳩工
督繩築之登登盡興於百塔椽之閣閣咸列于
群材圖鼎革之著庸嘉輪奐之濟美民安編戶
目駭外夷斯蓋國家拓土於要荒濟民於富壽
作爲可法有周后子來之心悅懌忘勞無梁伯
民罷之嘆故築未浹旬而工度咸備幾五月而
經營俱存土厚水深滌除於天災家給戶足馴
躋於禮樂老安少懷識遜畔讓路之化上行下
效異同川鼠穴之風振喉領於一方煥圖謀於
千古上棟下宇名山大川雉蝶之窮崇根基之
堅固橋梁濟達戶賦滋
盈備載于經悉見其事

大明洪武四年脩築環圍五百九十四丈五尺高二
丈四尺五寸基厚二丈五尺三門東曰朝陽西
曰鎮遠南曰觀海外開城壕環圍七百八十一

丈五尺景泰七年六月十三夜爲賊所陷成化

六年分巡僉事林錦增蓋串樓門樓敵樓六百

一十三間兵馬司廳一十二間正德年間守備

王綱脩十四年知州李純見河水乾淺乃浚濠

築堤瀦水東堤一百餘丈南堤三十餘丈串樓

久壞嘉靖四年知州藍渠改建三間以便瞭望

三間以便居守嘉靖十三年知州杜傑脩築復

建窩舖二十七間先是西門橋壞行者不通知

州藍渠塞其門嘉靖十七年十月知州林希元

見其門西通永樂時羅貼浪諸鄉都其民赴州
治咸迂道東門弗便乃復開之又於東西門各
重蓋兵馬房六間建橋跨壕以通往來

靈山故無城徃寇作耗邑民勞惠奏請築城正
統五年兵備副使甘澤始議調軍作城以守城
墉環圍五百一十丈高一丈八尺厚三丈四門
東曰朝陽西曰鎮西南曰鎮南北曰拱北天順
三年八月二十五夜爲賊所陷成化間都指揮
徐寧歐磐始開壕二道各濶一丈九尺環圍五

百一十四丈成化八年僉事林錦增蓋敵樓一

十八座串樓三百五十間顧其城徧小乃從東

南擴而大之增築城墉四百五丈開東西二門

蓋串樓二百五十五間敵樓二十四座廉州知

府饒秉鑑記

設郡縣以施政治建城池以禦強暴此君有天下者所以保民而圖

治也蓋民者國之本本固則國以寧自昔為天下者未有舍民而為治也我朝立國建邦稽

古圖治而郡縣之設城池之建在處皆然靈山縣則開設於洪武之初縣之治舊立於石六峰

之下正統間復於治之東建築城垣及立守鎮千戶所而縣治於是亦遷於城焉然城中之地

僅容官軍之房舍而已附郭之民則猶居於城外天順以來盜賊竊發民甚苦之今丞且闕時

都憲崑山葉公奉命巡撫兩廣以合浦儒學
訓導林錦彥章素有爲守遂移檄使署諸縣事
彥章既至乃盡革其弊政而更新之而又於城
之南附城立排柵以居其附郭及近鄉之民使
寇不能近而民得以安既而彥章以教職滯考
去而排柵亦隨爲寇所燬縣之民士因具詞告
于府府以達諸當道俱合薦之于朝遂復陞是
邑令履任之日盜賊尤擾攘彥章乃率諸義勇
屢擊而敗之且集其民夫即排柵故址展築土
城以護其民居城以丈計者四百有奇高丈有
五尺厚九尺城之上覆以串接城之外爲壕塘
隄焉斬焉且堅且固茲併以縣治遷諸其間與
民共守民之賴其保障而得以奠其居者迨數
千家夫朝廷設官分職雖有內外大小之殊然
其制無非所以爲民也矧有司之職尤爲親民
之切苟不恤民之患安民之生而徒蔽蔽於薄
書期會之間又豈父母斯民之道哉彥章以科
第進身居教職時廉能之名已見稱於上下及

攝縣事陞縣令其於興學校革奸弊抑豪強禦盜賊爲惠於民也不少是以一二年間予得以無靈山之憂者彥章之能事也至是復展其城遷其治使民得所止而寇不能撓充爲保民之長策非賢而且才其能然乎此予之所以深嘉之焉故書以記之城展於天順壬午之秋縣治遷以明年之夏記作於是歲七月丙申云

成化二十一年守備指揮

袁勳弘治十八年僉事鄧槩正德五年僉事李

瑾相繼脩築嘉靖八年僉事劉道謂串樓易壞

毀之增築墻三尺以防踰越又開一門曰通濟

後僉事陸澄謂與縣門相射命塞之嘉靖十三

年僉事王崇謂弗樓傷墻且不便守者復建串

樓六百三間扁新東門曰長春西門曰六峰又

於長春門外隙地起舖房三十間歲徵其稅以

爲脩城之費廉州知府張岳記靈山據廉之上

順成化間蠻寇殘橫邕逾嶺攻破縣郭廉與其

屬城無一能完其守者於是天子采廷議下

璽書命憲臣分巡海北者開署治兵以制之然

後瀕海數百里之人得免於兵革者七十餘年

矣嘉靖甲午春麓泉王公始至閱視其城壁雉

蝶樓櫓與凡兵馬器械之數寢弛弗治曰是殆

狎於久安得無遂芽孽如昔日者乎治既數月
奸宄屏伏幽滯宣釋巷梓弗驚商旅夜行廼經
材鳩工調番休之卒取木於山陶坵煨厲咸授
以法以其年四月始事五越月而功告成凡爲
門二垣六千三百三十六樓之表如垣爲屋以
間數者六百有三故所無也用才木瓦甃灰鐵

積至一百四十萬二千有奇糜金百二十兩又以餘工作郭肆三四十間歲賦其入以待工事營城四外高爽地駐兵與城中相應而時其校練凡禦守之具無一不具初公之議茲役也費不及於民然民知公之以款衛已而安之也其富人皆爭出藏粟以食役者故能不涸踰時日費省而功用多由是觀之苟利於民而以忠信惻怛之心行之真能使民效死以赴長上也豈獨茲役爲然哉昔日虞夏聖人蓋嘗患蠻夷寇賊矣卒其所以治之者無他曰明于五刑以備五教而已聖人非固以城郭甲兵爲無所用而畧之也君臣父子夫婦朋友之紀生人之大防存焉苟紀廢而防壞雖有城郭甲兵孰與守之哉是故先其所以守之者而後及守之之具本末緩急固其次第也今公以聰明綜練之才提刑一方一切畧去苛細其大體以教化風俗爲先興學校厲信讓蓋不專以城郭甲兵爲足弭蠻夷寇賊之變及其協群情以就此役又籌畫

調度細大不遺其法皆可以施諸永久所謂愷
悌君子民之攸暨者歟凡公之屬吏將校歌頌
公功者欲著於不朽而岳適來承乏茲郡相率
來請文故爲其著始末勒石以告來者俾有考
焉

谿峒

博是

山同 在如昔都丫葛村宋時爲長官司有昔
令欽者爲峒主 國朝收印罷官然猶

得爲峒長管轄其民至宣德間其孫黃建以其
地叛降安南授以經畧使今其孫黃音願來歸

鑑山

峒 在如昔都羅浮村宋時爲長官司有黃
令宜者爲峒主 國朝收印罷官然猶

得爲峒長管轄其民宣德間其孫黃子嬌以其
地叛降安南授以經畧使今其孫黃資願來歸

貼浪

峒 在貼浪都思牙村宋爲長官司有黃令
鑑者爲峒主至元世祖時兩江峒賊黃

聖許及其孫黃世葦討賊有功仍授以金牌印

信國朝收印罷官然猶得為峒長管轄其民

今孫黃時羅在時羅都宋為長官司有黃令

文愛襲時羅在時羅都宋為長官司有黃令

然猶得為峒長管轄澌廩峒在貼浪都思廩村

其民今孫黃浩襲宋為長官司有祖

黃令謝為峒主國朝收印罷官然猶得為峒

長管轄其民至宣德間其孫黃金廣叛降安南

授以經畧使今其孫如昔在如昔都思勒村

黃伯銀願率衆來歸宋為長官司有祖

黃令德為峒主國朝收印罷官然猶得為峒

長管轄其民宣德間其地為交趾所侵置金勒

千戶所移住那蘇在貼浪都宋為長官

隘今孫黃鳳陽襲古森在貼浪都宋為長官

主國朝收印罷官然猶得為峒長管轄其民

至宣德間其孫黃寬以其地叛降安南授以經

畧使今其孫黃福添願來歸按七峒長官司今

其子孫俱云始祖黃萬定係山東青州人漢時

從伏波將軍馬援征交趾有功留守邊疆其子
七人分爲七峒長官司愚考宋史有黃令德者
爲如昔鎮將則七峒長官黃令欽等決非萬定
之子意其遠孫也然長官司之設莫知其所自
始至元世祖時黃令鑑之孫有黃世華者討賊
有功授以金牌印信克七峒長官司愚意七峒
長官司設於宋時後廢或至裔孫時休峒界巡
檢司地方相傳其祖禰能旺從漢馬伏波將軍
馬援征交趾有功賊平留守邕欽二界然年代
太遠意亦如宋時羅七峒耳末樂中時羅峒
長以事革其孫禰貴成始移守時羅峒今其孫
禰天
禰襲

營堡

關隘附

欽州

防城營

在時羅都防城地方正德元年交趾夷目范汝舟越界與都民擄鑄黃金濟爭

田乃立營撥欽州千戶所軍五十名守把以千戶一員領之嘉靖十八年知州林希元分軍二

十名守那蘇隘白皮營在州治東南白皮厥前只存三十名正德八年夷賊入寇兩

廣軍門命守備指揮徐淵建撥欽州軍快各二十五名防守後廢嘉靖十六年知州林希元因

有事安方家營在州城西方家村一十里乃海南復建舟可泊之所正德十三年夷船

於此登岸剽掠知州李純始建營防守後廢嘉靖十六年有事先安南知州林希元建議於此立

營初撥永安所旗上扶隆營在貼浪都上扶隆軍防守後掣回村與交趾萬寧州

接界嘉靖十年上思州夷日趙盤趙溥由此越入交趾軍門以兵備道議於此建營撥欽州千

戶所宣軍五十一員名守把嘉靖十七年知州林希元以非要地議罷分軍二十名守陸眼營

餘掣回陸眼營在永樂鄉三圖陸眼村與廣西

年知州林希元以廣西水口華陽四崗時剽掠

為民患乃於此立營編鄉兵撥民快協同守把

議掣防城官軍往守適有事安南遂寢至嘉靖

十八年始申前議只撥上扶隆營軍二十名以

百戶一員領之重脩其營林希元記○欽邊郡

也其地西接廣右四崗狼蠻時剽掠為民患每

遇秋冬之際民荷擔携弩驅牛羊舍廬舍逃之

山谷避寇患者歲為常思蘆一村舊稱富庶因

之殘破十戶五亡生意索如也予初至郡父老

師以告及理案牘見民以盜賊相告言者十而

七八嘆曰此一方之害也亦經理之未至焉耳

乃作訓詞陳國家威德與善惡利害遣人特

至四崗省諭之莫不震攝屈縮互相推避甲曰

盜者乙也非我也乙曰盜者甲也非我也乃皆

稽顙陳狀聽約束保弗後患使者以報予曰未

可恃也乃訪賊出沒所由之路為防禦之計使

人圖其山川道途險易遠近閱之未樂地接廣
西以八尺江爲界江之北二十里爲遷隆寨遷
隆之西八里爲華陽崗華陽之北十里爲水口
崗水口之西十五里爲吳崗吳崗之西二十里
爲武黎崗四崗之地華陽最大水口武黎吳崗
僅足以當之四崗之寇水口最橫吳崗次之華
陽次之武黎又次之賊越遷隆而東則由那架
山轉掠而西由陸眼以歸越遷隆而西則由陸
眼村轉掠而東由那架以歸陸眼那架實賊之
門戶出沒之所必由乃議於陸眼那架各立營
以那架付廣西移防城營官軍於陸眼協民防
守上狀當路余曰必待報而舉則緩不及矣
乃命晉界巡檢宋守才發民伐木誅茅建營房
三十六正廳鼓樓退居各一編民爲保伍選民
快之精銳者令宋守才督率協民守把旣而當
路以予議命千戶趙繼文判官朱浙覆視僉予
同己而安南事動防城軍未及移然予之營守
已備矣鄉兵各自爲守分番上下晝夜然予是

歲賊果不至丁酉戊戌如之戊戌之秋賊寇廣
西去吾邊二里而近竟不入境予曰狼夷其信
我哉乃請于當路遣巡檢宋守才持花紅羊酒
勞之其民素不識官府聞至咸驚匿山崗示之
意乃皆欣躍爭赴得賞咸北向稽顙謝曰歲歲
不敢復入欽邊民有室家之樂于今三年矣已
亥之秋予當浦去士大夫老咸曰公去狼賊必
復來柰何聞邊民有鬻產爲避盜之計者予嘆
曰古之君子宦徹所至去而澤必垂後今予去
欽而賊患復起非政也乃即前議而申改之留
軍三十於防城分二十守那蘇以舊上扶隆營
之軍二十守陸眼告于當路備兵憲使二水孫
公實成予議舊營劊於倉率弗久就敵乃命巡
檢史鼎發民伐木陶瓦即舊趾復建縮營房爲
二十正廳敲樓退居視舊加大易茅以瓦環以
木柵費白金僅一斤民聞命悉力趨事恐後起
工於己亥秋仲越二月而功告成父老曰非公
無以保我邊民非記無以顯公功請記之予曰

功予何有保民 烟通營 在州治南烟通嶺之陽
予志也乃記 沿海巡檢司舊趾也水

通龍門海口海舟可泊之處嘉靖十六年有事
安南知州林希元立營初議撥永安所旗軍防

守後 堽坑營 在州治東南烏雷嶺之北舊無嘉
掣回 靖十六年有事安南夷賊杜文莊

於烏雷嶺下泊舟偵我動息官軍得獲廉州知
府張岳始於此立營撥廉州衛旗軍五十名防

守 那蘇隘 在如昔都與交趾萬寧州金勒村接
界如昔洞長黃鳳陽居此嘉靖十六

年知州林希元因有事安南於此建營議召雷
州衛軍二百名守把十七年安南事暫停止掣

回雷軍十八年議分防城營軍 稔均隘 在那蘇
二十名於此防守屯種荒田 之東南

相去七里隘外即交趾大海水 那隆隘 在那蘇
港通入亦有小徑今夷人塞之 之東相

去十里許隘外即交趾大海水港通入港東西
居民二十餘家又有小徑通交趾奸民通夷率

由此要
害地也
天板關
在州治西六十餘里宣德間守

戶一員領軍
十名守把
漁洪關
在州治西北三十里宣德

把
茶陵關
在城治東二里宣德間建以欽州所

為民害弘治十六年州民胡真呈革

靈山縣

那暮營
在縣治東南博義鄉去城二百五

營
在縣治西南下安業鄉去城一百八十里欽

今建
公館丹竹營
在縣治南一百七十里上安業鄉

前後官廳二左右廂房各一撥廉州譚家堡
衛百戶一員領軍居守行者便之

治東一十五里上武安鄉天順六年僉事林錦
建成化十二年易砌以磚蓋鼓樓窩舖正德四

年僉事李瑾脩調永安所官軍防守嘉靖十三
年地方寧謐僉事王崇將軍掣回守城外窩舖

團河堡在西鄉中寧都去縣治一百九十里成
化五年僉事林錦謀於都指揮歐磐同

立周圍三百三十四丈築土城址濶七尺上濶
五尺連梁眼高一丈六尺又蓋門樓敵串樓計

三百三十四間調官軍守禦上中下寧三都
正德以來地方寧謐掣回官軍營堡隨地

崖堡在縣治東三十里下東鄉近廣西橫州乃
在縣治東三十里下東鄉近廣西橫州乃

圍排柵一百二十丈撥官軍守把成化九年易
以磚瓦建鼓樓二座內設官廳窩舖正德五年

僉事李瑾脩歲久而圯嘉靖十八年僉事
孫世祐重建前後堂各一座城樓各一座

石隆營一名石塘營在合浦縣歸德鄉路通廣西龍
山八寨乃木頭峒徑鐘出入之地成化六年

僉事林錦建弘治元年同知杜禮脩十一年
叅議任毅易磚脩築今撥靈山民快三十名
兼狼兵守把此皆屬合浦繫於靈山者守兵
乃靈山也附杜禮詩曉聞金鼓報新晴四望
青山列盡屏白屋幾家茅剪綠平田千畝稻
分青溪塘水落魚歸罾野岸沙明鴨卧汀聞
說賊巢都賣劔逢人私問相牛經○蠻烟瘴
雨帶春農深入山谿右石隆舊土新畝千頃
稅深秧淺水幾家風青山落日牛羊下古木
彌縫○驅馬重來入石隆滿頭霖雨滿頭風
羊腸險道艱危裏鴉舌蠻夷變化中村老携
壺迎客問田家拍稻喜年豐眼前底事非容
易間俗誰能答聖聰○冒雨行春馬足催
山南山北爲誰來野心狼子從今化翹首倉
生得好培巢穴幾年銷劍戟畱畝無地着蒿
萊遠臣一點丹心在笑指縱橫瘴霧開○東
去青山百里長自披荆棘歷羊腸單車隨馬

衝坭怯雙節催人逐路忙山雨斜侵鳥帽濕
天風直透絢絳涼舉目不見矍矍日惟有丹
心逐
璋鄉

備倭

倭日本國也在海東日出之地故曰日本
去閩浙爲近廣東次之自元季至 國初
常爲三邊之害備倭之名則起于此三方
濱海之地無不置軍欽州海道自龍門東
南至烏雷嶺與合浦分界半日程抵合浦
白沙珠池二日程西南抵大小鹿墩與交

陟分界一朝程皆要害之處海軍瞭哨之所及也

正南至瓊州四日程正北至廣州十二日程西南至交趾海東府五日程

宋

慶曆中招集廣南巡海水軍忠敢澄海雖曰廂軍皆予旗鼓訓練備戰守之役

宋史

紹興間置水寨軍一屯三百彈壓本路沿海盜

賊

雷州志是時俱不爲備倭設

國朝

洪武二十七年七月甲戌始命安陸侯吳傑永

定侯張全寶等率致仕武官往廣東訓練沿海

衛所官軍以備倭寇

是時方有倭寇之名

天下鎮守凡二十一處廣東曰備倭會典

巡視海道副使一員都指揮使一員

廉州衛指揮一員

欽州領軍百戶一員

旗軍一百名分上下班出海巡哨上班五月至

九月下班十月至來年四月

下班軍每月辦脩船料銀三錢三分

六箇月該銀一兩九錢八分

戰船二隻

今存一隻

哨艇四隻

盡壞嘉靖十七年知州林希元復置三隻

論曰予讀吳淵穎喻倭論黃后峰倭奴貢獻書

而知倭寇之爲邊患也重師環宿戈甲交嚴

國家之所以備之者蓋無不至數十年來倭奴

遠遁而濱海頑民乃時剽掠爲民患備倭之軍

曾莫能捍禦僅爲虛設木久則嘉法久則壞其

勢固爾興衰揀弊將不在於今日乎

墩臺

茶山墩

在州治東南十里茶山嶺上俗呼東烟通嶺沿海巡檢司在其南嘉靖十六年

有事安南於此立營青鳩墩

在縣治西南三十里木欄村旁地產青鳩故名俗呼西烟

通嶺金竹墩

在州治西三十里金竹村水道經大頭口通交趾大鹿墩

治南大海中東欽州界西交趾界其處產玳瑁龜筒小鹿墩

在大鹿墩之下龕羅

墩

在州治南時羅都防城營與交趾永安州分界

按墩臺之設其來久矣遇有警急舉烽火以相

報禦寇之一策也今法軍人犯徒者皆發墩瞭

望但承平日久方隅無事所謂哨瞭者特虛名

爾

欽州志卷之六 終